



KHUNSA

DIKELUARKAN OLEH :
JABATAN MUFTI NEGERI KEDAH DARUL AMAN
DENGAN KERJASAMA
MAJLIS AGAMA ISLAM NEGERI KEDAH DARUL AMAN

KANDUNGAN

SEPATAH KATA	1
DATO' MUFTI NEGERI KEDAH DARUL AMAN	
KHUNSA MENURUT ISLAM	2
1. <i>Pengertian Khunsa</i>	2
2. <i>Jenis-jenis Khunsa</i>	2
2.1 <i>Khunsa Wadhih</i>	2
2.2 <i>Khunsa Musykil</i>	5
3. <i>Kedudukan Khunsa Dalam Masyarakat</i>	7
4. <i>Pembedahan Khunsa</i>	9
5. <i>Perkahwinan Khunsa</i>	12
HUKUM MENUKAR STATUS JANTINA	15
1. <i>Pendahuluan</i>	15
2. <i>Definisi "Khunsa" dan "Mukhannath"</i>	16
3. <i>Fenomena Golongan Transeksual</i> <i>Atau Mak Nyah (Mukhannath) Di Malaysia</i>	17
4. <i>Keputusan Fatwa Lalu</i>	19
5. <i>Hujah dan Dalil</i>	20

SEPATAH KATA

Dato' Mufti Negeri Kedah Darul Aman.

بِسْمِ اللَّهِ الرَّحْمَنِ الرَّحِيمِ

الحمد لله رب العالمين والصلاة والسلام على إمام الداعين وسيد الذاكرين سيدنا محمد ن المبعوث رحمة العالمين وعلى آله وصحبه أجمعين . أما بعد :

Saya mengharapkan agar risalah ini dapat menjadi bahan rujukan dan sebagai panduan kepada umat Islam terhadap persoalan yang nadir tetapi tidak mustahil berlaku dalam masyarakat. Kita sering bertemu dan berbincang tentang persoalan ini tetapi tidak secara spesifik dan berteraskan syariat. Justeru itu sekurang-kurangnya risalah ini mencetus suatu era baru dalam fatwa bila membincangkan isu kontemporari seperti ini.

Meskipun kita perlu melakukan penambahbaikan dari semasa ke semasa terhadap isu-isu seperti ini agar ia lebih mantap namun sebagai kelangsungan ilmu ianya perlu diterbitkan sebagai wadah fatwa kepada masyarakat demi menyedarkan masyarakat terhadap peranan fatwa itu sendiri.

Saya merakamkan ucapan terima kasih kepada pihak-pihak yang terlibat menerbitkan risalah ini dan pentashih yang memberi kerjasama dan komitmen sehingga risalah ini berjaya diterbitkan. Terima kasih juga kepada pihak JAKIM, Dr. Anuar Husaini bin Hussein dari Hospital Alor Star yang telah menyampaikan taklimat berkaitan khunsa kepada Ahli Jawatankuasa Fatwa Negeri dan terima kasih juga kepada Yang Berbahagia Tuan Syeikh Abdul Hamid bin Md.Tahir yang telah memberikan sumbangan penulisan.

Semoga risalah ini dapat dimanfaatkan bagi kemuslahatan umat.

Dato' Paduka Syeikh Hasbullah bin Haji Abdul Halim,

D.H.M.S., D.S.D.K., B.C.K.

(Mufti Negeri Kedah Darul Aman)

KHUNSA MENURUT ISLAM

(Oleh Tuan Syeikh Abdul Hamid bin Haji Md. Tahir)

1. PENGERTIAN KHUNSA

Khunsa ialah manusia yang ada alat jantina lelaki dan alat jantina perempuan atau tidak ada alat jantina lelaki atau perempuan tetapi mempunyai saluran untuk membuang air kecil.

2. JENIS-JENIS KHUNSA

Khunsa terbahagi kepada dua jenis, iaitu:

1. Khunsa Wadhih (jenis yang jelas jantannya) lelaki atau perempuan iaitu seseorang yang ada dua alat jantina: Alat jantina lelaki dan alat jantina perempuan.
2. Khunsa Musykil-khunsa yang tidak jelas alat jantannya sama ada lelaki atau perempuan.

2.1. Khunsa Wadhih:

Ulama telah memutuskan bahawa orang yang mempunyai dua alat jantina ini boleh ditentukan lelaki atau perempuan dengan salah satu daripada tiga cara:

Pertama:

Jika ia membuang air kecil dari alat lelaki maka ia dikira lelaki dan jika ia membuang air kecil melalui alat jantina perempuan maka ia dikira perempuan.

Kedua:

Kemungkinan membuang air kecil melalui kedua-dua alat secara serentak tetapi yang satu mendahului yang satu lagi umpamanya air kencing keluar melalui alat jantina lelaki dahulu maka dikira lelaki dan jika air kencing keluar melalui alat jantina perempuan dahulu maka dikira perempuan. Keadaan ini dikira serupa yang muda atau tua.

Ketiga:

Ini adalah tertentu untuk orang dewasa sahaja iaitu jika keluar air mani melalui kemaluan lelaki dikira lelaki dan jika keluar haid melalui kemaluan perempuan maka dikira perempuan.

Ulama berselisih pendapat pada khunsa yang jelas alat jantainya tetapi berbeza pada tiga perkara:

Pertama:

Membuang air kecil melalui kedua-dua kemaluan serentak dan tidak ada yang dahulu dan kemudian tetapi banyak melalui satu alat sahaja dan tidak banyak melalui alat yang satu lagi.

Maka pendapat Imam Abu Hanifah bahawa khunsa ini tidak boleh

dikategorikan sebagai khunsa wadhih bahkan ia dikira khunsa musykil.

Tetapi mengikut pandangan Abu Yusuf, Muhammad bin Hassan al-Syaibani, Imam Malik, Imam Syafie dan Imam Ahmad bin Hanbal jika banyak keluar melalui kemaluan lelaki maka dikira lelaki dan jika banyak keluar melalui kemaluan perempuan maka dikira perempuan.

Kedua:

Tumbuh janggut; mengikut pendapat Abu Hanifah, Malik dan Ahmad bin Hanbal jika tumbuh janggut maka ia dikira lelaki. Tetapi Syafie pula berpendapat jika tumbuh janggut sahaja tidak boleh dikira lelaki kalau tidak disokong dengan tanda-tanda lain bahkan ia masih dikira khunsa musykil.

Ketiga:

Pembesaran buah dada; mengikut pendapat Abu Hanifah dan Malik jika membesar buah dada maka dikira perempuan. Tetapi Syafie dan Ahmad bin Hanbal berpendapat kalau membesar buah dada sahaja dengan tidak disokong oleh tanda-tanda lain maka tidak boleh dikira khunsa wadhih

bahkan ia masih dikira khunsa musykil. Walaubagaimanapun semua ulama bersepakat jika seseorang khunsa itu ditumbuhi janggut dan membesar buah dada maka dikira khunsa musykil kecuali jika ada tanda-tanda lain yang boleh menentukan lelaki atau perempuan.

(Rujuk Kitab أحكام الموارث ص ۲۰۱-۲۰۲ untuk khunsa wadhih dan khunsa musykil dari kitab الفقه الاسلامی وأدلته جزء ۴۲۶)

2.2 Khunsa Musykil:

Khunsa musykil ialah khunsa yang tidak jelas keadaan alat jantinya maka tidak boleh dibezakan sama ada lelaki atau perempuan seperti ia membuang air kecil melalui kedua-dua alat jantina serentak ataupun tumbuh janggut dan membesar buah dada pada masa yang sama.

Mengikut Dr. Wahbah az-Zuhaili di dalam kitab الفقه الإسلامی وأدلته muka surat 426 juzuk kelapan bahawa jika seorang khunsa berkahwin dengan seorang perempuan maka perempuan itu melahirkan anak maka khunsa itu dikira lelaki. Dan kalau khunsa itu berkahwin dengan lelaki maka khunsa itu mengandung maka ia dikira

perempuan. Pendapat Dr. Wahbah ini secara tidak langsung menjelaskan bahawa khunsa boleh berkahwin sama ada dengan lelaki atau dengan perempuan.

Manakala mengikut kitab Ahkam Alkawarith أحكام الموارث muka surat 202 pula khunsa yang mempunyai lubang untuk membuang air kecil tetapi tidak ada kemaluan lelaki dan tidak ada kemaluan perempuan maka ia dikira khunsa musykil semasa ia masih kecil. Ketentuan jantinya boleh dibuat/dikesan apabila ia dewasa kelak. Ketika dewasa, lalu keluar darah haid atau mengandung maka ia dikira perempuan. Ataupun jika ia tidak didatangi darah haid dan tidak mengandung tetapi ia menceritakan bahawa ia ada keinginan kepada perempuan maka ia dikira lelaki. Sebaliknya jika ia menceritakan bahawa ia tidak ada keinginan kepada lelaki atau kepada perempuan atau ia ada keinginan yang serupa kepada lelaki dan perempuan maka ia adalah khunsa musykil.

3. KEDUDUKAN KHUNSA DALAM MASYARAKAT

1. Aurat:

Dalam Kitab *الفقه الإسلامى وأدلته* juzuk pertama muka surat 584 menjelaskan bahawa di dalam Mazhab Hanafi dan Mazhab Syafie aurat khunsa sama seperti aurat wanita merdeka iaitu semua badan kecuali muka dan tapak tangan. Maka dikira aurat juga rambut yang terdahulu keluar dari kepala.

2. Hak Menjadi Imam Solat:

Khunsa boleh menjadi imam kepada perempuan kerana kalau diandaikan ia lelaki maka lelaki sah menjadi imam kepada perempuan dan jika diandaikan ia perempuan maka perempuan sah menjadi imam kepada perempuan.

Tetapi khunsa tidak sah menjadi imam kepada lelaki dan tidak sah juga menjadi imam kepada sesama khunsa. Ini di mana, khunsa tidak sah menjadi imam kepada lelaki kerana kalau ia perempuan maka perempuan tidak sah menjadi imam kepada lelaki. Manakala menjadi imam kepada

sesama khunsa kerana kemungkinan ia perempuan dan khunsa yang menjadi makmum lelaki – maka perempuan tidak sah menjadi imam kepada lelaki.

3. Kedudukan Khunsa Dalam Saf Solat:

Dalam Solat jemaah khunsa hendaklah berdiri di belakang saf kanak-kanak lelaki dan di hadapan saf perempuan.

4. Hukum Bersentuhan Yang Membatalkan Wudhu':

Di dalam kitab Nihayatul Muhtaj juzuk pertama muka surat 103 menyebut lelaki menyentuh lelaki sekalipun amrad yang cantik dan tidak batal wudhu' perempuan sentuh perempuan. Juga tidak batal wudhu' khunsa menyentuh khunsa atau khunsa menyentuh lelaki atau khunsa menyentuh perempuan.

5. Siapa Yang Memandikan Mayat Khunsa:

Di dalam kitab Sabilul Muhtadin juzuk kedua muka surat 72 menjelaskan bahawa harus bagi tiap-tiap lelaki dan perempuan memandikan mayat khunsa yang tidak mempunyai mahram kerana ketiadaan yang lain lagi dhaif syahwat memandinya sebab mati.

6. Cara Meletak Jenazah Khunsa:

Jenazah khunsa ketika hendak disolatkan hendaklah diletakkan sama seperti jenazah perempuan iaitu kepala mayat di sebelah kanan imam di mana imam berdiri berbetulan dengan punggung mayat sama seperti perempuan.

(*Sila lihat muka surat 483 نهاية المحتاج*)

7. Hukum Penerimaan Pusaka:

Dr. Wahbah az-Zuhaili di dalam kitab Al Fiqhul Islami wa adillatuh muka surat 426 juzuk kelapan menjelaskan sekiranya khunsa itu dikira lelaki atas sebab-sebab yang dijelaskan yang lepas maka ia menerima pusaka mengikut bahagian lelaki. Sebaliknya jika ia dikira perempuan maka ia menerima pusaka mengikut bahagian perempuan. Tetapi kalau ia khunsa musykil maka ia mempunyai banyak pandangan mengenai bahagiannya dalam pusaka. Maka bolehlah merujuk muka surat 427 Fiqh al-Islami juzuk 8 atau kitab *الحكام المواريث في الشريعة الإسلامية* muka surat 202 karangan Muhammad Mahyuddin Abdul Hamid.

4. PEMBEDAHAN KHUNSA

Sebelum kita membicara mengenai hukum pembedahan khunsa, adalah baik kalau kita

bicara secara sepintas lalu mengenai pembedahan mengubah jantina daripada lelaki kepada perempuan atau sebaliknya. Dr. Muhammad Khalid Mansur dalam bukunya *الأحكام الطبية المتعلقة بالنساء في الفقه الإسلامي* muka surat 203 menjelaskan pembedahan kepada lelaki akan berlaku dalam tiga keadaan:

Keadaan pertama:

Ialah menukar wanita secara menyeluruh kepada lelaki seperti memotong terus buah dada dan membuang saluran kemaluan dengan ditanam kemaluan lelaki ditempatnya. Maka pembedahan ini adalah haram secara mutlak kerana ia dikira sebagai mengubah kejadian Allah seperti firman Allah Taala:

وَلَا ضِلَّتَهُمْ وَلَا مِئِينَتَهُمْ وَلَا مَرْتَهُمْ فَلْيَبْتَئِكُنَّ ءَاذَانَ الْإِنْعَامِ
وَلَا مَرْتَهُمْ فَلْيَغَيِّرُوا خَلْقَ اللَّهِ وَمَنْ يَتَّخِذِ الشَّيْطَانَ وَلِيًّا مِّنْ
دُونِ اللَّهِ فَقَدْ خَسِرَ خُسْرَانًا مُّبِينًا ﴿١١٩﴾

Maksudnya: "Dan demi sesungguhnya, aku akan menyesatkan mereka (dari kebenaran), dan demi sesungguhnya aku akan memperdayakan mereka dengan angan-angan kosong dan demi sesungguhnya aku akan menyuruh mereka (mencacatkan binatang-binatang ternak), lalu mereka membelah telinga binatang-binatang itu; dan aku akan menyuruh mereka mengubah ciptaan Allah. Dan (ingatlah) sesiapa yang

mengambil syaitan menjadi pemimpin yang ditaati selain dari Allah, maka sesungguhnya rugilah ia dengan kerugian yang terang lagi nyata. (An-Nisaa': 119)

Keadaan Kedua:

Iaitu di mana seseorang itu tidak dapat dikesan lelaki atau perempuan maka pembedahan dapat menentukan jantinya lelaki atau perempuan.

Keadaan Ketiga:

Di mana seseorang itu ada alat jantina lelaki dan ada alat jantina perempuan maka pembedahan dibuat adalah untuk menentukan arah tuju sahaja sama ada kepada lelaki ataupun perempuan.

Maka dua suasana yang akhir ini adalah dikira sebagai sebahagian daripada penyakit yang diharuskan oleh Islam untuk mengubatnya. Maka dengan ini bermakna pembedahan yang dilakukan ke atas khunsa bagi menentukan jantinya itu adalah harus dan ia tidak dikira sebagai mengubah kejadian Allah S.W.T. kerana membiarkan khunsa dalam keadaan begitu boleh mendatangkan mudharat kepadanya sedangkan Islam itu datang membawa muslihat dan menolak kemudharatan. Maka atas kaedah inilah pembedahan khunsa adalah diharuskan.

Walaubagaimanapun pembedahan jantina khunsa atau mana-mana jantina ini mestilah mematuhi

beberapa syarat yang dikenakan dalam hukum menanam alat kelamin.

Dr. Mohd. Ali Al-Baz dalam bukunya berjudul *الموقف الفقهي والأخلاقي من قضية زرع الأعضاء* muka surat 229 menegaskan bahawa menanam atau memindahkan biji telur lelaki kepada lelaki lain atau ovari perempuan kepada perempuan lain adalah tidak harus (haram) kerana biji telur dan ovari ini akan sentiasa mengeluarkan benih sekalipun ia dipindahkan kepada manusia lain dan ini menimbulkan percampuran keturunan yang tidak diharuskan oleh Islam. Tetapi kalau memindahkan anggota kelamin yang tidak memindahkan keturunan atau anggota kelamin yang bukan zakar lelaki atau bukan faraj perempuan maka diharuskan kerana darurat sekiranya mengikut syarat-syarat dan nilai syariat Islam. Ini adalah keputusan Majlis Majma' Fiqh al Islam yang bersidang di Jeddah pada 17 hingga 23 Syaaban 1410 bersamaan 14 hingga 20 Mac 1990.

5. PERKAHWINAN KHUNSA

Dr. Wahbah az-Zuhaili menjelaskan dalam kitabnya *الفرق الإسلامية وأدلته* juzuk kelapan mukasurat 426 bahawa khunsa musykil adalah tidak tergambar untuk menjadi suami atau menjadi isteri kerana mereka tidak sah

berkahwin selagi mereka masih dalam musykil.

Tidak terdapat penegasan yang jelas dari kalangan ulama mengenai khunsa wadhih (واضح) sama ada sah atau tidak mereka berkahwin, cuma apa yang dapat disimpulkan dari pandangan ulama ini adalah berdasarkan intisari daripada sebalik penjelasan mereka sahaja seperti yang disebutkan oleh Dr. Wahbah az-Zuhaili dengan katanya: "Sekiranya khunsa berkahwin maka pasangan melahirkan anak maka ia dikira lelaki dan sekiranya ia berkahwin maka ia mengandung maka dikira perempuan". Kata-kata ini seolah menjelaskan bahawa khunsa wadhih boleh berkahwin dengan lelaki atau dengan perempuan.

Walaubagaimanapun beberapa syarat perkahwinan perlu diberi perhatian dalam menentukan sah atau tidak perkahwinan khunsa itu atau haram atau tidak perkahwinan khunsa ini dengan mengambil kira syarat-syarat perkahwinan di dalam mazhab-mazhab fiqh.

Di dalam kitab *الفقه على المذاهب الأربعة* karangan as-Syeikh Abdul Rahman al-Juzairi juzuk keempat mukasurat 5 menjelaskan

”ويكون النكاح حراما على من لم يخش الزنا وكان عاجزا عن الانفاق على المرأة من كسب حلال أو

عاجزا عن وطئها فإذا علمت المرأة بعجزه عن الوطء
ورضيت فإنه يجوز“ .

Maksudnya: Diharamkan bagi seseorang yang boleh memelihara diri dari berzina itu berkahwin jika ia tahu ia tidak mampu menyara hidup perempuan yang dikahwini itu dari segi nafkah yang halal dan tidak mampu melakukan hubungan kelamin, tetapi apabila wanita yang bakal dikahwininya itu tahu bahawa ia (bakal suaminya) tidak mampu melakukan hubungan kelamin bahkan ia redha dengan hal tersebut maka diwaktu itu ia diharuskan berkahwin.

Makakala dalam kitab *الفقه الإسلامي وأدلته* juzuk ketujuh muka surat 91 mengikut mazhab Maliki bahawa syarat bakal suami bagi menentukan sah nikah empat perkara:

1. Islam sekiranya bakal isteri muslimah
2. Berakal
3. Mumaiyiz
4. Benar-benar lelaki bagi mengelak dari khunsa musykil kerana khunsa musykil tidak boleh berkahwin dan tidak boleh dikahwinkan - (تحقق الذكورة تحرزا من الخثى) - (المشكّل وإنه لا ينكح ولا ينكح)

HUKUM MENUKAR STATUS JANTINA

**(Dipetik dari kertas kerja mesyuarat panel kajian Syariah
Kali Ke 49 Jabatan Kemajuan Islam Malaysia)**

1. PENDAHULUAN

Golongan transeksual adalah golongan yang menghadapi kekeliruan identiti. Kebanyakan golongan transeksual yang menganggap diri mereka terperangkap dalam fizikal jantina yang berlawanan dengan minda dan perasaan mereka. Keyakinan ini mendorong segelintir daripada komuniti ini nekad melakukan pemindahan menukar jantina dan memohon kepada Jabatan Pendaftaran Negara untuk menukar status jantina dalam kad pengenalan mereka.

Walaupun fatwa mengenai pengharaman menukar jantina melalui pembedahan telah dimaklumi, namun pendirian dari sudut hukum syarak masih diperlukan terutama untuk melihat isu penukaran status jantina khususnya bagi mereka yang telah melakukan pembedahan pertukaran jantina. Ini memandangkan golongan transeksual ini berpandangan bahawa perubahan fizikal dari lelaki kepada perempuan atau sebaliknya tidak memadai sekiranya status jantina tidak diubah. Pertukaran ini adalah sebagai bukti pengiktirafan status jantina mereka.

2. DEFINISI KHUNSA DAN MUKHANNATH

Khunsa adalah orang yang mempunyai dua alat kelamin lelaki dan perempuan atau lubang khusus yang terdapat pada tempat kemaluan seperti alat membuang air kecil. Ulama fiqh membahagikan khunsa kepada dua iaitu khunsa Wadhih dan khunsa Musykil.

Khunsa Wadhih (غير مشكل) ialah khunsa yang nyata memiliki tanda-tanda kekelakian atau keperempuanan dan dapat dibezakan sama ada lelaki atau perempuan semasa bayi oleh warisnya melalui pemerhatian sifat dan ciri-ciri alat kelamin tersebut atau berdasarkan dari alat yang mana satu tempat keluar air kencing terlebih dahulu. Jantina bayi dapat dikenal pasti dengan jelas berdasarkan yang mana alat yang lebih dominan berbanding dengan yang satu lagi yang kurang berfungsi.

Khunsa Musykil: ialah orang yang mempunyai dua alat kelamin dan air kencing keluar serentak dari kedua-dua alat tersebut dan identiti jantinya sukar dibezakan atau hanya dapat dibezakan setelah baligh. Musykil ini hilang apabila dapat ditentukan dari mana tempat mula keluar air kencing atau yang paling banyak atau dikira yang paling akhir berhenti. (*Lihat Ibnu Qudamah, al-Mughni, Juzuk 6 hlm. 336*)

Kesimpulannya dapatlah dikatakan bahawa air

kencing merupakan tanda umum menentukan khunsa sejak kecil lagi sama ada merupakan seorang lelaki atau perempuan. Apabila anggota kelamin lelaki atau perempuan mengeluarkan air kencing serentak atau tidak dapat ditentukan kuantiti maka ia dianggap khunsa musykil. Jantina mereka hendaklah diteliti setelah baligh dengan tanda-tanda yang dikenal pasti sama ada memiliki ciri-ciri kewanitaian (seperti kedatangan haid) atau kekelakian (seperti tumbuh janggut dan bermisai)

Manakala Mukhannath pula ialah lelaki yang mempunyai tingkah laku seperti perempuan, pakaian perempuan dan berperasaan seperti perempuan.

3. FENOMENA GOLONGAN TRANSEKSUAL ATAU MAK NYAH (MUKHANNATH) DI MALAYSIA

Di Malaysia, isu transeksual dianggap sebagai fenomena yang kompleks kerana melibatkan pelbagai faktor termasuk isu biologi, psikologi, persekitaran dan sosial mereka yang terlibat. Secara umumnya gambaran masyarakat terhadap kelompok transeksual ini menjurus kepada lelaki yang bersifat keperempuanan atau perempuan yang bersifat kekelakian. Ia sering dikaitkan homoseksualiti atau lesbian iaitu suatu perlakuan

seksual manusia yang merujuk kepada reaksi erotik, fantasi dan perlakuan seksual kaum sejenis.

(Mahzan Musa, Dilema Golongan Homoseksual dipetik daripada <http://dbp.gov.my>; Mechelle Lee Wai Yee, Undering Gendered Identities? Transgenderisme in Malaysia presented in The 4th National on Gender Studies: "Men and Women in Changing Societies", 14–15 September 2002, Equatorial Hotel Bandar Baru Bangi, Selangor)

Berdasarkan keadaan ini golongan homoseksual atau lelaki yang berlagak perempuan digelar bapak, pondan dan mak nyah (mukhannath) dan mendominasi bilangan golongan transeksual mukhannath adalah istilah yang merujuk kepada orang lelaki yang mempunyai banyak sifat kewanitaan atau lemah lembut. (Ibnu Qudamah, J6 : 336) Dianggarkan terdapat lebih 10,000 mak nyah di Malaysia dan 70 hingga 80 peratus berbangsa melayu – Islam.

Secara umumnya golongan ini dianggap menyimpang dari norma masyarakat dan sering dipinggirkan. Kebanyakan mak nyah mendapat pendidikan sehingga peringkat menengah tetapi hanya 3 peratus sahaja yang berjaya melanjutkan pengajian ke peringkat pengajian tinggi. 30 peratus lagi dari mereka didapati mengalami penganiayaan seksual ketika berusia 6 hingga 15 tahun. Malah kajian mendapati ramai yang

menjadikan aktiviti pelacuran sebagai salah satu mata pencarian.

Menurut Dr. Teh Yik Khoon pensyarah bidang psikologi Universiti Utara Malaysia berdasarkan kajian ke atas 507 mak nyah mendapati hanya 19 peratus yang melakukan pembedahan pertukaran jantina. Kebanyakan dari mereka menyedari bahawa pembedahan untuk menukar jantina adalah haram seperti yang diputuskan oleh fatwa. Kajian juga mendapati asas keengganan ini adalah kerana kebimbangan mayat mereka tidak dapat dimandi, dikafan dan diuruskan dengan sempurna kerana kekeliruan status jantina. Mereka merasa aib jasad “wanita” mereka disempurnakan oleh lelaki kerana islam tetap menganggap mereka adalah lelaki walaupun dari segi fizikal tidak menunjukkan demikian. (*New Straits Times*, 14 November 2004, *Ahad melaporkan hasil kajian oleh Prof. Madya Dr. Teh Yik Khoon dari Universiti Utara Malaysia, “Dilemma of the Mak Nyah” 1997*)

4. KEPUTUSAN FATWA LALU

Muzakarah Jawatankuasa Fatwa Kebangsaan bagi Hal Ehwal Ugama Islam kali ke-4 yang bersidang pada 13-14 April 1983 memutuskan bahawa:

1. Pertukaran jantina dari lelaki kepada perempuan atau sebaliknya melalui pembedahan adalah haram di sisi syarak.

2. Seseorang yang dilahirkan lelaki hukumnya tetap lelaki walaupun ia berjaya ditukarkan jantinya melalui pembedahan.
3. Seseorang yang dilahirkan perempuan hukumnya tetap perempuan walaupun ia berjaya ditukarkan jantinya melalui pembedahan.
4. Seseorang yang dilahirkan “Khunsa Musykil” iaitu manusia yang dilahirkan mempunyai dua alat kemaluan lelaki dan perempuan diharuskan pembedahan bagi mengekalkan salah satu alat jantina yang benar-benar berfungsi dapat digunakan mengikut keadaan yang sesuai.

5. HUKUM DAN DALIL

5.1 Kedudukan Mukhannath dalam Islam

Pembedahan untuk menukar jantina sama ada daripada lelaki kepada perempuan atau sebaliknya jelas bercanggah dengan hukum syarak. Perbuatan ini adalah haram kerana ia semata-mata mengikut hawa nafsu, terpedaya dengan godaan syaitan, tidak mensyukuri nikmat kejadian diri dan termasuk dalam kategori mengubah kejadian Allah S.W.T. seperti firmanNya:

وَلَا ضَلَالَةَ لَهُمْ وَلَا مَنِيْنَهُمْ وَلَا مَرْثَهُمْ فَلْيُبَيِّنْ لَهُمْ إِنْ أَرَادَ الْأُنْثَىٰ

وَلَا مَرْمَعَهُمْ فَلْيَعِزُّكَ خَلْقُ اللَّهِ وَمَنْ يَتَّخِذِ الشَّيْطَانَ وَلِيًّا مِّنْ دُونِ اللَّهِ فَقَدْ خَسِرَ خُسْرَانًا مُّبِينًا ﴿١١٩﴾

Maksudnya: Dan demi sesungguhnya, aku (Syaitan) akan menyesatkan mereka (dari kebenaran), dan demi sesungguhnya aku akan memperdayakan mereka dengan angan-angan kosong, dan demi sesungguhnya aku akan menyuruh mereka (mencacatkan binatang-binatang ternak) lalu mereka membelah telinga binatang-binatang itu, dan aku akan menyuruh mereka mengubah ciptaan Allah. Dan (ingatlah) sesiapa yang yang mengambil syaitan menjadi pemimpin yang mereka taati selain Allah maka sesungguhnya rugilah ia dengan kerugian yang nyata. (Surah an-Nisaa': 119)

Dalam konteks lelaki yang dikurniakan Allah dengan sifat lemah lembut, mereka harus redha dan berpuas hati. Amat tidak wajar mereka mengambil kesempatan daripada anugerah itu untuk menimpakan dirinya sebagai wanita dengan melayani nafsu membeli alat solek, berpakaian wanita, gerak lemah lembut gemalai dan lebih aib lagi mengadakan hubungan dengan kaum sejenis mereka. Perbuatan ini adalah

dilaknat berdasarkan kepada firman Allah S.W.T.:

وَلَوْ طَآءَ إِذْ قَالَ لِقَوْمِهِ أَتَأْتُونَ الْفَاحِشَةَ مَا سَبَقَكُمْ بِهَا مِنْ أَحَدٍ مِّنْ
الْعَالَمِينَ ﴿٨٠﴾ إِنَّكُمْ لَتَأْتُونَ الرِّجَالَ شَهْوَةً مِّنْ دُونِ النِّسَاءِ ۚ بَلْ
أَنْتُمْ قَوْمٌ مُّسْرِفُونَ ﴿٨١﴾

Maksudnya: Dan Nabi Luth (juga kami utuskan). (Ingatlah) tatkala ia berkata kepada kaumnya "Patutkah kamu melakukan perbuatan keji, yang tidak pernah dilakukan oleh seseorang pun penduduk alam sebelum kamu. Sesungguhnya kamu mendatangi lelaki untuk memuaskan nafsu syahwat kamu dengan meninggalkan perempuan (isteri-isteri), bahkan kamu ini adalah kaum melampaui batas". (Surah al-Akraaf ayat 80-81)

Mengulas isu homoseksualiti Dr. Yusuf al-Qardhawi berpendapat bahawa Allah bukan sekadar mengharamkan perzinaan dan homoseksualiti malah semua perlakuan yang boleh menjerumuskan diri ke arah itu. Perbuatan keji ini adalah menyalahi fitrah, penyelewengan perlakuan seks dan merupakan bentuk penindasan terhadap hak wanita. Menurut beliau lagi, penularan

aktiviti begitu boleh memusnahkan corak hidup masyarakat dan menggambarkan perhambaan kepada hawa nafsu, keruntuhan akhlak dan nilai kesopanan. (Yusuf al-Qardhawy, Islamonline.net), kisah amalan keji oleh umat Nabi Luth a.s. digambarkan oleh Allah dalam al-Quran:

أَتَأْتُونَ الذُّكْرَانَ مِنَ الْعَالَمِينَ ﴿١٦٥﴾ وَتَذَرُونَ مَا خَلَقَ لَكُمْ رَبُّكُمْ مِنْ أَزْوَاجِكُمْ
بَلْ أَنْتُمْ قَوْمٌ عَادُونَ ﴿١٦٦﴾

Maksudnya: Patutkah kamu melakukan hubungan jenis dengan lelaki dari kalangan manusia? dan kamu tinggalkan apa yang diciptakan oleh tuhan kamu untuk kamu (melakukan hubungan yang halal) dari badan isteri-isteri kamu? Kamu orang yang bersalah bahkan kamu ialah kaum yang melampaui batas (keinginan kebanyakan haiwan). (Surah al-Syu'ara: 165-166)

Selain melaknat hubungan sesama lelaki, Islam juga melarang keras lelaki yang menyerupai wanita dan sebaliknya. Lelaki berlagak perempuan dan perempuan berlagak lelaki adalah bibit-bibit maksiat yang boleh mengundang perbuatan maksiat. Sebuah hadis menyebut:

عن ابن عباس رضي الله عنهما قال: لعن النبي

صلى الله عليه وسلم المخنثين من الرجال،
والمرجلات من النساء (رواه البخاري)

Ertinya: Dari Ibnu Abbas r.a. berkata. Rasulullah s.a.w. melaknat mukhannath (lelaki yang meniru kelakuan perempuan dari kalangan lelaki dan mutarajjilah (perempuan yang meniru kelakuan lelaki) dari kalangan perempuan. (Riwayat al-Bukhari)

Dalam hadis lain pula disebut:

عن ابن عباس رضى الله عنه قال: لعن رسول
الله صلى الله عليه وسلم المتشبهين من الرجال
بالنساء والمتشبهات من النساء بالرجال (رواه
البخاري)

*Ertinya: Daripada Ibnu Abbas r.a. berkata
bahawa: Sesungguhnya Rasulullah s.a.w.
melaknat golongan lelaki yang menyerupai
perempuan dan golongan perempuan yang
menyerupai lelaki (Riwayat al-Bukhari)*

Sebuah lagi hadis menyebut:

عن أبي هريرة قال: رسول الله ﷺ الرجل يلبس
لبسة المرأة، والمرأة تلبس لبسة الرجل (رواه أبو

دأود والنسائي وابن حبان والحاكم وقال ك:
صحيح على شرط مسلم)

Ertinya: Dari Abu Hurairah r.a. berkata: Rasulullah s.a.w. melaknat lelaki yang memakai pakaian wanita dan wanita yang memakai pakaian lelaki.

Menurut Al-Sayyid Sabiq dalam kitabnya Fiqh al-Sunnah menyatakan Islam mengkehendaki wanita mengekalkan sifat keistimewaan pada dirinya dan menzahirkan keistimewaan itu dengan gambaran yang sebenar. Begitu juga sebaliknya bagi kaum lelaki. Oleh sebab itu, Islam melarang dan mengharamkan meniru jantina lain sama ada pakaian, percakapan, gerak geri dan sebagainya. (al-Sayyid Sabiq: 386)

Pendapat ini adalah selaras dengan pandangan Dr. Abdul Karim Zaidan yang menyatakan pengharaman itu adalah demi menjaga keperibadian, keistimewaan dan ciri kesempurnaan yang diberi oleh Allah kepada wanita dan lelaki. (Lihat Abdul Karim Zaidan: 343-344)

Dalam konteks ini, ketika mengulas larangan Islam lelaki menyerupai wanita sebaliknya, ulama kontemporari yang terkenal Syeikh Dr. Yusuf al-Qardhawy berpendapat bahawa

larangan ini adalah termasuk meniru percakapan, gerak geri, lengguk jalan, pakaian dan sebagainya. Ia bukan sahaja dilaknat tetapi bagi beliau ianya merupakan ancaman yang merbahaya kepada kehidupan bermasyarakat kerana sikap ini melanggar norma dan menentang tabiat semulajadi. Sedangkan lelaki dan perempuan dijadikan dengan keistimewaan masing-masing. (Dr. Yusuf al-Qardhawy: 84)

Di negara ini, undang-undang memperuntukkan bahawa lelaki yang berlagak seperti perempuan adalah melakukan kesalahan yang boleh dikenakan hukuman. Sebagai contoh dalam Seksyen 7 Enakmen Kanun Jenayah Syariah Negeri Kedah 1988 memperuntukkan:

“Mana-mana orang lelaki yang memakai pakaian perempuan dan berlagak seperti perempuan di mana-mana tempat awam adalah bersalah atas suatu kesalahan dan boleh disabitkan dikenakan hukuman denda tidak melebihi RM1,000.00 atau penjara selama tempoh tidak melebihi 6 bulan atau kedua-duanya”

Bagaimanapun Enakmen ini tidak memperuntukkan mengenai mana-mana perempuan yang berpakaian atau berlagak seperti lelaki di tempat awam sebagai kesalahan yang boleh dikenakan tindakan undang-undang.

فرمقوان دجاديکن دغن کايستيميواعن ماسيخ^۲
(دوکتوريوسف القرضاوي: 84)

دنکارا اين، اوندغ^۲ ممقراونتوقن بهوا للاکي يڅ
برلاق سقرتي فرمقوان اداله ملاکوکن کسahlen يڅ
بوليه دکانکن حکومن. سباکاي چونته دالم
سيکشين 7 اينیکمين قانون جنايه شرعية نکري
قدح 1988 ممقراونتوقن:

”مان^۲ اورغ للاکي يڅ ماکي قکاین فرمقوان دان
برلاق سقرتي فرمقوان دمان^۲ تمقت عوام اداله
برساله اتس سواتو کسahlen دان بوليه اقبيل دثابتکن
دکانکن حکومن دندا تيدق مليهي ساتو ريبو
ريغکيت اتوقنچارا سلا ما تيمقوه تيدق مليهي انم
بولن اتو کدوا^۲ث“

باکيمانقون اينیکمين اين تيدق ممقراونتوقن مغلای
مان^۲ فرمقوان يڅ برقکاین اتوبرلاق سقرتي للاکي
دتمقت عوام سباکاي کسahlen يڅ بوليه دکانکن
تيدقکن اوندغ^۲.

منوروت السيد سابق دالم کتابش ”فقه السنه“
 مپتاکن اسلام مڅکهندقکي وانيتا مڅکلکن صفة
 کايستيميوآن قد ديريش دان منظاهيرکن
 کايستيميوآن ايت دغن کمبران يڅ سبئر. بکيتو
 جوک سباليقش باکي قوم للاکي. اوليه سبب ايت،
 اسلام ملارڅ دان مڅحرامکن منيرو جتينا لاین
 سمأدا څکاین، څرچکاڅن، څرک څري دان سباکايڅ
 (السيد سابق: 386)

څنداڅت اين اداله سلارس دغن څنداغن دوکتور
 عبدالکريم زيدان يڅ مپتاکن څحرامن ايت اداله
 دمي منجاڅ کڅريبادين، کايستيميوآن دان چيري
 کسمڅورنآن يڅ دبري اوليه الله کڅد وانيتا دان للاکي
 (ليهت عبدالکريم زيدان: 343-344)

دالم کونتيک س ايت، کتيک مڅولس لاراغن اسلام
 للاکي يڅ مپروڅأي وانيتا دان سباليقش، علماء
 کونتيمڅوراري يڅ ترکنال الشيخ دوکتور يوسف
 القرضاوي برڅنداڅت بهوا لاراغن اين اداله ترماسوق
 منيرو څرچاکڅن، څرک څري، ليڅکوک جالن، څکاین
 دان سباکايڅ. اي بوکن سهاج دلعة تتاڅي باکي
 بلياو اياڅ مروڅاکن انچامن يڅ مربهيا کڅد کهيدوڅن
 برمشاركة کران سيکڅ اين ملڅکرنيلاي نورما دان
 منتڅ طبيعة سمولاجادي. سدڅکن للاکي دان

(فرمقوان یغ منیرو کلاکوان للاکي) دري کلاغن
فرمقوان (روایة البخاري)

دالم حدیث لآین قول دسبوت:

عن ابن عباس رضی الله عنه قال: لعن رسول
الله صلى الله عليه وسلم المتشبهين من الرجال
بالنساء والمتشبهات من النساء بالرجال (رواه
البخاري)

مقصودن: درقد ابن عباس رضى الله عنه بركات
بهوا: سسوغكوهن رسول الله ﷺ ملعنة كولوغن
للاکي یغ میروقای فرمقوان دان كولوغن فرمقوان یغ
میروقای للاکي (روایة البخاري)
سبواه لآني حدیث میبوت:

عن أبي هريرة قال: رسول الله ﷺ الرجل يلبس
لبسة المرأة، والمرأة تلبس لبسة الرجل (رواه أبو
داود والنسائي وابن حبان والحاكم وقال ك:
صحيح على شرط مسلم)

ارتیث: دري آبي هريرة رضى الله عنه بركات: رسول
الله ﷺ ملعنة للاکي یغ ماکي قکاین وانیتا دان وانیتا
یغ ماکي قکاین للاکي .

أَتَأْتُونَ الذُّكْرَانَ مِنَ الْعَالَمِينَ ﴿١٦٥﴾ وَتَذَرُونَ مَا خَلَقَ لَكُمْ رَبُّكُمْ مِنْ أَزْوَاجِكُمْ
بَلْ أَنْتُمْ قَوْمٌ عَادُونَ ﴿١٦٦﴾

مقصودن: فاتوتکه کامو ملاکوکن هوبوغن جنیس
دغن للاکي دري کالغن مأنسي؟ دان کامو
تیغکلکن اف یغ دچیفتاکن اولیه توهن کامو
اونتوق کامو (ملاکوکن هوبوغن یغ حلال) دري
بادن استري^۲ کامو؟ کامو اورغ یغ برساله بهکن کامو
ایاله قوم یغ ملمقاوي باتس (کایغینن کباپقکن
حیوان). (سورة الشعراء: 165-166)

سلاّین ملعنة هوبوغن سسام للاکي، اسلام جوک
ملارغ کرس للاکي یغ میروقاّی وانیتا دان
سبالیقش. للاکي برلاقق فرمقوان دان فرمقوان
برلاقق للاکي اداله بییت^۲ معصیه یغ بولیه مغوندغ
قربواتن معصیه. سبواه حدیث مپیوت:

عن ابن عباس رضی الله عنهما قال: لعن النبي
صلی الله علیه وسلم المختثین من الرجال،
والمرجلات من النساء (رواه البخاري)

ارتیث: دري ابن عباس رضی الله عنهما برکات:
رسول الله ﷺ ملعنة مختث (للاکي یغ منیرو
کلاکوان فرمقوان) دري کلاغن للاکي دان مترجله

مقصودن: دان نبي لوط (جوئي ڪامي
 اوتوسڪن). (ايغته) تتڪالا اي برڪات ڪڏن قومن
 'فاتوتڪه ڪامو ملاڪوڪن قربواتن يڻ ڪجي، يڻ تيدق
 ڦرنه دلاڪوڪن اوليه سسئورڻ ڦون دري ڦندودوق عالم
 سبلوم ڪامو. سسوغڪوهن ڪامو منداتغي للاڪي
 اونتوق ممواسڪن نفسو شهوة ڪامو دغن منيغڪلڪن
 ڦرمڦوان (استري^۲)، بهڪن ڪامو اين اداله قوم يڻ
 ملمڦاوي باتس' (سورة الأعراف آية 80-81)

مغولس ايسو هوموسيڪشواليتي (homoseksualiti)
 دوڪتور يوسف القرضاوي برڦنداغن بهوا الله بوڪن
 سقدر مڻحرامڪن ڦرزنائن دان هوموسيڪشواليتي
 (homoseksualiti) ماله سموا ڦرلاڪوان يڻ بولي
 منجروموسڪن ديري ڪاره ايت. قربواتن ڪجي اين
 اداله مپالاهي فطره، ڦيليوڻ ڦرلاڪوان سيڪ^۳ دان
 مروڦاڪن بنتوق ڦنينداسن ترهادڦ حق وانيتا.
 منوروت بلياو لاڪي، ڦنولارن اڪتيوتيتي بڪيني بولي
 مموسنهنڪن چورق هيڊوڦ مشارڪه دان مڻڪمبرڪن
 ڦرهمبائن ڪڏن هاوا نفسو، ڪرونتوهن اخلاق دان
 نيلاي ڪسوقانن. (يوسف القرضاوي
 Islamonline.net)، قيصه عمالن ڪجي اوليه اومه
 نبي لوط عليه السلام دڪمبرڪن اوليه الله دالم القرآن:

مقصودش: دان دمي سسوغکوهش، اکو (شیطان)
 اکن میستکن مریک (دری کبنران)، دان دمي
 سسوغکوهش اکواکن ممفردایاکن مریک دغن اغن^۲
 کوسوغ، دان دمي سسوغکوهش اکو اکن میپوره
 مریک (منچاچتکن بناتخ^۲ ترنق) لالو مریک مبله
 تلیغا بناتخ^۲ ایت، دان اکواکن میپوره مریک مغوبه
 چیقتاءن الله. دان (ایغتهله) سسیاف یغ مغمبیل
 شیطان منجادی قمیمقین یغ دطاعتی سلاّین الله
 مک سسوغکوهش روکیله ای دغن کروکین یغ پات
 (سورة النساء: 119)

دالم کونتیک س للاکي یغ دکورنیاکن الله دغن صفة
 له لمبوت، مریک هاروس ریضا دان برقواس هاتی .
 امت تیدق واجر مریک مغمبیل کسمقانت درقد
 انوگره ایت اونتوق منمقیلکن دیریث سباکای وانیتا
 دغن ملاینی نفسو ممبلی الت سولیق، برفاکین وانیتا،
 خرق خری له کمالای دان لبیه عیب لاکی مغاداکن
 هوبوغن دغن قوم سجنیس مریک . قربواتن این
 اداله دلعنة برداسرکن کقد فرمان الله سبحانه وتعالی:

وَلَوْ طَآءَ إِذْ قَالَ لِقَوْمِهِ أَتَأْتُونَ الْفَاحِشَةَ مَا سَبَقَكُمْ بِهَا مِنْ أَحَدٍ مِّنَ
 الْعَالَمِينَ ﴿٨٠﴾ إِنَّكُمْ لَتَأْتُونَ الرِّجَالَ شَهْوَةً مِّنْ دُونِ الْنِسَاءِ بَلْ
 أَنْتُمْ قَوْمٌ مُّسْرِفُونَ ﴿٨١﴾

قمبدهن .

3. سسئورغ یغ دلاهی رکن فرمقوان حکومث تتف
فرمقوان والوقون ای برجای دتوکرکن جتینا
ملالوئی قمبدهن .

4. سسئورغ یغ دلاهی رکن ”ختی مشکل“ یأیت
مأنسی یغ دلاهی رکن ممقویای دوا الت کمالوان
للاکی دان فرمقوان، دهاروسکن قمبدهن باخی
مغکلکن ساله ساتوالت جتینا یغ بر۲ فوغشی
داقت دکوناکن مغیکوت کأداءن یغ سسوی .

5. حجه دان دلیل

1.5 کدودوقکن مخث دالم اسلام

قمبدهن اونتوق منوکر جتینا سمأدا درقد للاکی
کقد فرمقوان اتو سبالیقش جلس برچغکه دغن
حکوم شرع . قربواتن این اداله حرام کران ای
سمات۲ مغیکوت هاوا نفسو، ترقدایا دغن کوداءن
شیطان، تیدق منشکوری نعمة کجادی ن دیری دان
ترماسوق دالم کاتیگوری مغوبه کجادی ن الله سبحانه
وتعالی سقرتی فرمانش:

وَلَا ضَلَالَهُمْ وَلَا مَنِينَ لَهُمْ وَلَا مُرْتَهُمْ فَلْيَبْتَكَنْ إِذَا ذَاكَ الْأَنْعَمِ
وَلَا مُرْتَهُمْ فَلْيَغَيِّرْ خَلْقَ اللَّهِ وَمَنْ يَتَّخِذِ الشَّيْطَانَ وَلِيًّا مِّنْ
دُونِ اللَّهِ فَقَدْ خَسِرَ خُسْرَانًا مُّبِينًا ﴿١١٩﴾

اونيورسيتي اوتارا مليسيا برداسر كن كاجين كأتس 507 مق
 په منداقتي هاڅ 19 قراتوس يڅ ملاكوكن قمبدهن
 قرتوكران جنتينا. كباپقكن دري مريك مپداري بهوا
 قمبدهن اونتوق منوكر جنتينا اداله حرام سفرتي يڅ
 دفتوسكن اوليه فتوى. كاجين جوگ منداقتي اساس
 كاڅكانن اين اداله كران كيimbaغن ميت مريك تيدق داقت
 دمندي، دكفن دان داوروسكن دغن سمفورنا كران
 ككليروان ستاتوس جنتينا. مريك مراسا عيب جسد
 ’وانيتا‘ مريك دسمفورناكن اوليه للاكي كران اسلام تتف
 مڅاڅكف مريك اداله للاكي والوفون دري سكي فيزيكل
 تيدق منونجوكن دمكين.

(New Straits Times, 14 November 2004, Ahad melaporkan hasil kajian oleh Prof. Madya Dr. Teh Yik Khoon dari Universiti Utara Malaysia, "Dilemma of the Mak Nyah" 1997)

4. كفتوسن فتوى لالو

مذكره جواتنكواس فتوى كبغساءن باكي حال احوال اكام
 اسلام كالي ك 4 يڅ برسيدڅ قد 13-14 افريل 1983
 مموتوسكن بهوا:

1. قرتوكران جنتينا دري للاكي كقد فرمقوان اتو
 سباليقن ملالوئي قمبدهن اداله حرام ديسي
 شرع.

2. سسئورڅ يڅ دلاهيركن للاكي حكومث تتف للاكي
 والوفون اي برجاي دتوكرن جنتينا ملالوئي

سيكشوال قوم سجنيس .

(Mahzan Musa, Dilema Golongan Homoseksual dipetik daripada <http://dbp.gov.my>; Mechelle Lee Wai Yee, Undering Gendered Identities? Transgenderisme in Malaysia presented in The 4th National on Gender Studies: "Men and Women in Changing Societies", 14-15 September 2002, Equatorial Hotel Bandar Baru Bangi, Selangor)

بردا سرکن کا داءن این کولو غون هوموسيکشوال اتو
للاکي یغ برلاق فرمقوان دکلر باقوق، فوندان دان مق پاه
(مُحَنَّتْ) دان مندومیناسیکن بیلاغن کولو غن
ترانسیکشوال (transeksual) مُحَنَّتْ اداله اصطلاح یغ
مروجوق کقد اورغ للاکي یغ ممقویای بابق صفة کوانیتاءن
اتو لمه لمبوت. (این قدامه، جیلید 6: 336) داغکرکن
ترداقت لبیه 10,000 مق پاه دملیسیا دان 70 هیغک 80
قراتوس بربخسا ملایو - اسلام.

سچارا عمومث کولو غن این داغکف میمقغ دری نورما
مشارکة دان سریغ دفیغگیرکن. کباپقکن مق پاه منداقت
قندیدیقکن سهیغک فریغکت منغه تتاقي هاڻ 3 قراتوس
سهاج یغ برجای ملنجوتکن قعاجین کفریغکت قعاجین
تیغکی. 30 قراتوس دری مریک دداقتی مغالامی
قغانیایان سیکشوال کتیک براوسیا 6 هیغک 15 تاهون.
ماله کاجین منداقتی رامی یغ منجادیکن اکتیویتی
قلاچوران سباکای ساله ساتومات قنچارین.

منوروت Dr. Teh Yik Khoon قنشرح بیدغ فسیکولوگی

سئورغ للاکي اتو فرمقوان . اقبیل اغکوتا کلامین للاکي
 اتو فرمقوان مغلوارکن ایر کنچیغ سرنق اتو تیدق دافت
 دتتوکن کوانتیتی (kuantiti) مک ای داغکف خشی
 مشکل . جتینا مریک هندقله دتلیتی ستله بالغ دغن تند۲
 یغ دکنل قستی سمأدا میلیقکي چیری ۲ کوانیتان
 (سقرتی کداتغن حیض) اتو کللاکین (سقرتی تومبوه
 جغکوت دان میسای)

منکلا مُخَنَّتْ قول ایاله للاکي یغ ممقوپای تیغکه لاکو
 سقرتی فرمقوان، فکاین فرمقوان دان برقراسان سقرتی
 فرمقوان .

3. فینومینا کولوغن ترانسیکشوال (transeksual) اتو مق په
 (مُخَنَّتْ) دملیسیا

دملیسیا، ایسو ترانسیکشوال (transeksual) داغکف
 سباکای فینومینا یغ کومقلیک س کران ملیبتکن قلباکای
 فکتور ترماسوق ایسو بیولوجی (biologi)، فسیکولوگی
 (psikologi)، فرسکیتران دان سوشیال مریک یغ ترلیبت .
 سچارا عمومش کمبران مشارکه ترهادف کلومقوق
 ترانسیکشوال (transeksual) این منجوروس کفد للاکي یغ
 برصفا کفرمقوانن اتو فرمقوان یغ برصفا کللاکین . ای
 سریغ دکایتکن هوموسیکشوالیتی (homoseksualiti) اتو
 لیسبین (lesbian) یأیت سواتو فرلاکوان سیکشوال مأنسی
 یغ مروجوق کفد ریاکسی ایروتیک، فتاسی دان فرلاکوان

خُشِي اداله اورغ يڭ ممقوپاي دوا الت كلامين للاكي دان
 قُرمقوان اتولوبغ خصوص يڭ ترداقت قد تمثت كمالوان
 سفرتي الت ممبوغ اير كچيل . علماء فقه ممبهاكيكن خشي
 كقد دوا يأت خشي واضح دان خشي مشكل .

خشي واضح (غير مشكل): اياه خشي يڭ پات مميليقي
 تندا^۲ كللاكين اتو كُرمقوان دان داقت ديذاكن سمادا
 للاكي اتو قُرمقوان سماس بابي اوليه واريث ملالوئي
 قمرهاتين صفة دان چيري^۲ الت كلامين ترسبوت اتو
 برداسر كن دري الت يڭ مان ساتو تمثت كلواراير كنچيڭ
 ترليه دهولو . جتينا بابي داقت دكلل قستي دغن جلس
 برداسر كن يڭ مان الت يڭ لبه دومين (dominan) بربنديڭ
 دغن يڭ ساتو لائي يڭ كورغ برفوغشي .

خشي مشكل: اياه اورغ يڭ ممقوپاي دوا الت كلامين دان
 اير كنچيڭ كلوار سرنطق دري كدوا^۲ الت ترسبوت دان
 ايديتيتي جتينا^۲ سوكر ديذاكن اتوها^۲ داقت ديذاكن
 ستله بالغ . مشكل اين هيلغ اقبيل داقت دتتوكن دري
 مان تمثت مول كلواراير كنچيڭ اتويڭ قاليج بايق اتو دكيرا
 يڭ قاليج اخير برهنتي (ليهت ابن قدامه، المعني، جزوء 6 هـ 336)

كسيمقولن^۲ داقتله دكتاكن بهوا اير كنچيڭ مروفاكن تندا
 عموم منتوكن خشي سجع كچيل لائي سمادا مروفاكن

حکوم منوکر ستاتوس جنتینا

(دفتیق دری کرتس کرج مشوارات فینل کاجین شریعة
کالی ک 49 جباتن کماجوان اسلام ملیسیا)

1. فندهولوان

کولوغن ترانسیکشوال (transeksual) اداله کولوغن یغ
مغهادهفی ککلیروان ایدیتیتی (identiti). کباپقکن کولوغن
ترانسیکشوال (transeksual) یغ مغاغکف دیری مریک
ترقرغکف دالم فیزیکل جنتینا یغ برلاوانن دغن میندا دان
قراساءن مریک. کیقینن این مندوروغ سکلینتیر درقد
کومونیتی (komuniti) این نیکد ملاکوکن قمبدهن منوکر
جنتینا دان مموهون کقد جباتن قندفتران نکارا اونتوق
منوکر ستاتوس جنتینا دالم کارد قغانالن مریک.

والوقون فتوی مغنای قعحران منوکر جنتینا ملالوئی
قمبدهن تله دمعلومی، نامون قندیرین دری سودوت حکوم
شرع ماسیه دقرلوکن تراوتام اونتوق ملیهت ایسوفنوکران
ستاتوس جنتینا خصوصن باکی مریک یغ تله ملاکوکن
قمبدهن قرتوکران جنتینا. این مندغکن کولوغن
ترانسیکشوال (transeksual) این برقنداغن بهوا قراوباهن
فیزیکل دری للاکی کقد قرمقوان اتوسبالیقش تیدق ممدائی
سکیراڻ ستاتوس جنتینا تیدق داوبه. قرتوکران این اداله
سباکای بوقتی قعاعترافن ستاتوس جنتینا مریک.

3. ممیز

4. بنر^۲ للاکي باکي مغيلق دري خنشی مشکل کران
خنشی مشکل تیدق بولیه برکهوین دان تیدق بولیه
دکهوینکن - (تحقق الذکورة تحرزا من الخنشی
المشکل وإنه لا ینکح ولا ینکح)

دالم كتاب ”الفقه على المذاهب الأربعة“ كارغن الشيخ
عبدالرحمن الجزيري جزء كأمتت موك سورت 5
منجلسكن:

”ويكون النكاح حراما على من لم يخش الزنا وكان
عاجزا عن الانفاق على المرأة من كسب حلال أو
عاجزا عن وطئها فإذا علمت المرأة بعجزه عن الوطء
ورضيت فإنه يجوز“.

مقصودن: دحرامكن باكي سستورغيغ بوليه مملهارا ديرى
درى برزنا ايت بركهوين جك اي تاهواي تيدق ممقو مپارا
هيدوف فرمقوان يغ دكهوينين ايت درى سكي نفقه يغ
حلال دان تيدق ممقو ملاكوكن هوبوغن كلامين، تتاقي
اقبيل وانيتا يغ باكل دكهوينين ايت تاهو بهوا اي (باكل
سوامين) تيدق ممقو ملاكوكن هوبوغن كلامين بهكن اي
ريضا دغن حال ترسبوت مك دوقت ايت اي دهاروسكن
بركهوين .

منكالا دالم كتاب ”الفقه الإسلامى وأدلته“ جزء كتوجوه
موك سورت 91 مغيكوت مذهب مالكي بهوا شرط باكل
سوامى باكي منتوكن صح نكاح امقت فركارا:

1. اسلام سكيران باكل استري مسلمه

2. برعقل

هيڭگ 20 ماچ 1990 .

5. فرکهوينن خنشی

دوکتور وهبه الزحيلي منجلسکن دالم کتابش الفقه الإسلامي وأدلته جزء کلاڤن موک سورت 426 بهوا خنشی مشکل اداله تیدق ترکمبر اونتوق منجادي سوامي اتو منجادي استري کران مریک تیدق صح برکهوين سلاکي مریک ماسیه دالم مشکل .

تیدق ترداقت ښکاسن یغ جلس دري کلاڤن علماء مغنای خنشی واضح سمأدا صح اتو تیدق مریک برکهوين، چوما اف یغ داقت دسیمقولکن دري ښداڤن علماء این اداله برداسرکن ایئتیساري درقد سبالیق ښجلسن مریک سهاج سقرتي یغ دسبوتکن اولیه دوکتور وهبه الزحيلي دغن کاتش: ”سکیراښ خنشی برکهوين مک ښساڤن ملاهیرکن انق مک اي دکیرا للاکي دان سکیراښ اي برکهوين مک اي مغندوځ مک دکیرا څرمقوان“ . کات^۲ این سئوله منجلسکن بهوا خنشی واضح بولیه برکهوين دغن للاکي اتو دغن څرمقوان .

والوباکیمانقون بیراف شرط فرکهوينن څرلودبري څرهاتین دالم منتوکن صح اتو تیدق فرکهوينن خنشی ایت اتو حرام اتو تیدق فرکهوينن خنشی این دغن مغمبیل کیرا شرط^۲ فرکهوينن ددالم مذهب^۲ فقه .

اي تيدق دڪيرا سباڳاي مغوبه ڪجاديڻ الله سبحانه وتعالی
 ڪران ممبيارڪن خشي دالم ڪأداءن بڳيتو بوليہ منداثڪن
 مضرة ڪفداڻ سدڪن اسلام ايت داتڻ ممباوا مصلحة دان
 منولق ڪمضارتن . مڪ آتس قاعده اينيله قمبدهن خشي
 اداله دهاروسڪن .

والوباڳيمانقون قمبدهن جنتينا خشي اتو مان^۲ جنتينا اين
 مستيله مماتوهي بيراف شرط يڻ دڪناڪن دالم حڪوم منانم
 الت ڪلامين .

دوڪتور محمد علي الباز دالم بوڪوڻ برتاجوق ”الموقف
 الفقهي والأخلاقي من قضية زرع الأعضاء“ موڪ سورت
 229 منڪسڪن بهوا منانم اتو مميندهڪن بيڃي تلور للاڪي
 ڪفد للاڪي لائين اتو اوڦاري (ovari) فرمقوان ڪفد فرمقوان
 لائين اداله تيدق هاروس (حرام) ڪران بيڃي تلور دان
 اوڦاري (ovari) اين اڪن ستنياس مغلوارڪن بنيه
 سڪاليقون اي دفيندهڪن ڪفد مأنسي لائين دان اين
 منيمبولڪن فرچمقوران ڪتروني يڻ تيدق دهاروسڪن اوليه
 اسلام . تتافي ڪالو مميندهڪن اغڪوتا ڪلامين يڻ تيدق
 مميندهڪن ڪتروني اتو اغڪوتا ڪلامين يڻ بوڪن ذڪر
 للاڪي اتو بوڪن فرج فرمقوان مڪ دهاروسڪن ڪران
 ضرورة سڪيراڻ مغيڪوت شرط^۲ دان نيلاي شريعة
 اسلام . اين اداله ڪفتوتوسن مجلس مجمع فقه الإسلام يڻ
 برسيدڻ دجده قد 17 هيڻڪ 23 شعبان 1410 برسمان 14

مقصودش: ”دان دمي سسوغکوهش، اکو اکن مپستکن مريک (دري کبنران)، دان دمي سسوغکوهش اکو اکن ممقرداياکن مريک دغن دغن اغن^۲ کوسوغ، دان دمي سسوغکوهش اکو اکن مپوروه مريک (منچاچتکن بيناتغ^۲ ترنق)، لالو مريک مبله تليغا بيناتغ^۲ ايت؛ دان اکو اکن مپوروه مريک مغوبه چيقتان الله. دان (ايغتله) سسياش يغ مغميل شيطان منجادي قميمقين يغ دطاعتي سلاين دري الله، مک سسوغکوهش روکيله اي دغن کروکين يغ ترغ لاکي پات“ . (النساء: 119)

کأداءن کدوا:

يأيت دمان سسئورغ ايت تيدق داقت دکسن للاکي اتو فرمقوان مک قمبدهن داقت منتوکن جتيناں للاکي اتو فرمقوان،

کأداءن کتيک:

دمان سسئورغ ايت ادالت جتينا للاکي دان ادالت جتينا فرمقوان مک قمبدهن دبوات اداله اونتوق منتوکن أره توجو سهاج سمأدا کقد للاکي اتوقون فرمقوان .

مک دوا سواسانا يغ اخير اين اداله دکيرا سباکاي سبهاکين درقد قپاکيت يغ دهاروسکن اوليه اسلام اونتوق مغوباتيش . مک دغن اين برمعا قمبدهن يغ دلاکوکن کأتس خشي باکي منتوکن جتيناں ايت اداله هاروس دان

قنداغن مثنائي بهاكينش دالم قساك. مك بوليله
مرجوع موک سورت 427 (فقه الإسلام) جزء 8 اتو
کتاب احکام المواريث فى الشريعة الإسلامية موک
سورت 202 کاراغن محمد محي الدين عبد الحميد.

4. قمبدهن خنتى

سبلوم کيت ممبيچارا مثنائي حکوم قمبدهن خنتى، اداله
بأيك کالو کيت ييچارا سقيتس لالو مثنائي قمبدهن
مغوبه جتينا درقد للاکي کقد فرمقوان اتو سباليقش.
دوکتور محمد خالد منصور دالم بوکوڻ الأحکام الطبیسیة
المنعلقة بالنساء فى الفقه الإسلامی موک سورت 203
منجلسکن قمبدهن کقد للاکي اکن برلاکو دالم تیک
کأداءن:

کأداءن فرتام:

ایاله منوکر وانیتا سچارا مپلوروه کقد للاکي سقرتي موتوغ
تروس بواه دادا دان ممبوغ سالوران کمالوان دغن دتنام
کمالوان للاکي دتمقش. مک قمبدهن این اداله حرام
سچارا مطلق کران ای دکیرا سباکاي مغوبه کجادین الله
سقرتي فرمان الله تعالى:

وَلَا ضَلَّٰهُمْ وَلَا مُنِیْنَهُمْ وَلَا مُرْتَبَهُمْ فَلْيُبَيِّنَنَّ ءَاذَانَ الْأَنْعَامِ
وَلَا مُرْتَبَهُمْ فَلْيَغَيِّرْ خَلْقَ اللَّهِ وَمَنْ يَتَّخِذِ الشَّيْطَانَ وَلِيًّا مِّنْ
دُونِ اللَّهِ فَقَدْ خَسِرَ خُسْرَانًا مُّبِينًا ﴿١١٩﴾

خنتى مپنتوه للاكي اتو خنتى مپنتوه فرمقوان .

5. سياف يڭ ممندىكن ميت خنتى:

ددالم كتاب سبيل المهتدين جزء كدوا موك سورت 72
منجلسكن بهوا هاروس بانخي تياف^۲ للاكي دان
فرمقوان ممندىكن ميت خنتى يڭ تيدق ممقوپاي محرم
كران كتياداءن يڭ لآين لاني ضعيف شهوة ممنديش
سبب ماتي .

6. چارا ملتق جنازة خنتى:

جنازة خنتى كتيك هندق دصلاتكن هندقله
دلتقكن سام سقرتي جنازة فرمقوان يآيت كقلا ميت
دسبله كانن إمام دمان إمام برديري بربتولن دغن
قوڭكوڭ ميت سام سقرتي فرمقوان .

(سيلا ليهت موك سورت 483 نهاية المحتاج)

7. حكوم قنريماءن قساك:

دوكتور وهبه الزحيلي ددالم كتاب الفقه الإسلامي
وأدلته موك سورت 426 جزء كلاقن منجلسكن
سكيراش خنتى ايت دكيلا للاكي أتس سبب^۲ يڭ
دجلسكن يڭ لقس مك اي منريما قساك مغيكوت
بهاكين للاكي . سباليقن جك اي دكيلا فرمقوان
مك اي منريما قساك مغيكوت بهاكين فرمقوان .
تتافي كالواي خنتى مشكل مك اي ممقوپاي بايق

2. حق منجادي إمام صلاة:

خشی بولیہ منجادی إمام کفد فرمقوان کران کالو
دأندایکن ای للاکی مک للاکی صح منجادی إمام
کفد فرمقوان دان جک دأندایکن ای فرمقوان مک
فرمقوان صح منجادی إمام کفد فرمقوان .

تتافی خشی تیدق صح منجادی إمام کفد للاکی
دان تیدق صح جوک منجادی إمام کفد سسام
خشی . این دمان، خشی تیدق صح منجادی إمام
کفد للاکی کران کالو ای فرمقوان مک فرمقوان
تیدق صح منجادی إمام کفد للاکی . منکل
منجادی إمام کفد سسام خشی کران کموغکینن ای
فرمقوان دان خشی یغ منجادی إمام مأوم للاکی -
مک فرمقوان تیدق صح منجادی إمام کفد للاکی .

3. کدودوقکن خشی دالم صف صلاة:

دالم صلاة جماعه خشی هندقله برديرى دبلاکغ
صف کانتق^۲ للاکی دان دهدافن صف فرمقوان .

4. حکوم برستوهن یغ مبطلکن وضوء:

ددالم کتاب نهاية المحتاج جزء فرتام موک سورة 103
مپوة للاکی مپتوه للاکی سکالیقون أمردیغ چنتیق
دان تیدق باطل وضوء فرمقوان سنتوه فرمقوان .
جوک تیدق بطل وضوء خشی مپتوه خشی اتو

منکلا مغيکوت کتاب أحكام المواريث موک سورت 202
 قول ختشی یغ ممقوپاء ي لوبغ اونتوق ممبواغ ایر کچیل
 تتاقي تیدق اد کمالوان للاکي دان تیدق اد کمالوان
 فرمقوان مک اي دکيرا ختشی مشکل سماس اي ماسيه
 کچیل . کتتوان جتتینان بوليه دبوات / دکسن اقبیل اي
 دیواسا کلُق . کتیک دیواسا، لالو کلوار داره حیض اتو
 مغدوڭ مک اي دکيرا فرمقوان . اتوقون جک اي تیدق
 دداتغي داره حیض دان تیدق مغدوڭ تتاقي اي
 منچریتاکن بهوا اي اد کایغینن کغد فرمقوان مک اي دکيرا
 للاکي .

سبالیقش جک اي منچریتاکن بهوا اي تیدق اد کایغینن
 کغد للاکي اتو کغد فرمقوان اتو اي اد کایغینن یغ سروڭا
 کغد للاکي دان فرمقوان مک اي اداله ختشی مشکل .

3. کدودوقکن ختشی دالم مشارکة

1. عورة:

دالم کتاب الفقه الإسلامی وأدلته جزء قرتام موک
 سورت 584 منجلسکن بهوا ددالم مذهب حنفي دان
 مذهب شافعی عورة ختشی سام سقرتي عورة وانیتا
 مردیکا یأیت سموا بدان کچوالي موک دان تافق
 تاغن . مک دکيرا عورة جوک رمبوت یغ ترهولور
 کلوار دري کفلا .

والوباكيماثون سموا علماء برسفاكت جك سئورغ
 خنشى ايت دتومبوهي جغكوت دان ممبسر بواه دادا مك
 دكيرا خنشى مشكل كچوالي جك اد تند۲ لآين يغ بوليه
 منتوكن للاكي اتو فرمقوان .

(رجوع كتاب أحكام الموارث ص 201-202 اونتوق خنشى واضح دان
 خنشى مشكل دري كتاب الفقه الإسلامي وأدلته جزء 8 ص 426)

2.2 خنشى مشكل:

خنشى مشكل اياه خنشى يغ تيدق جلس كأداءن
 الت جتيناك مك تيدق بوليه ديذاكن سمأدا للاكي
 اتو فرمقوان سقرتي اي ممبواغ اير كچيل ملالوئي
 كدوا۲ الت جتينا سرننق اتوفون تومبوه جغكوت
 دان ممبسر بواه دادا قد ماس يغ سام .

مغيكوت دوكتور (وهبه الزحيلي) ددالم كتاب الفقه
 الإسلامي وأدلته موك سورت 426 جزء كلاقن بهوا
 جك سئورغ خنشى بركهوين دغن سئورغ فرمقوان
 مك فرمقوان ايت ملاهيركن انق مك خنشى ايت
 دكيرا للاكي . دان كالو خنشى ايت بركهوين دغن
 للاكي مك خنشى ايت مغندوغ مك اي دكيرا
 فرمقوان . قنداقت دوكتور وهبه اين سچارا تيدق
 لغسوغ منجلسكن بهوا خنشى بوليه بركهوين سمأدا
 دغن للاكي اتو دغن فرمقوان .

واضح بهکن اي دکيرا خنثی مشکل .

تتافي مغيکوت قنداغن أبو يوسف، محمد
بن حسن الشيباني، إمام مالک، إمام
شافعی دان إمام أحمد بن حنبل جک بايق
کلوار ملالوئي کمالوان للاکي مک دکيرا
للاکي دان جک بايق کلوار ملالوئي
کمالوان قرمقوان مک دکيرا قرمقوان .

كدوا: تومبوه جغکوت، مغيکوت قنداغت ابو
حنيفه، مالک دان أحمد بن حنبل جک
تومبوه جغکوت مک اي دکيرا للاکي .
تتافي شافعی قول برقنداغت جک تومبوه
جغکوت سهاج تيدق بوليه دکيرا للاکي
کالوتيدق دسوکوڭ دغن تنداء^۲ لاین بهکن
اي ماسيه دکيرا خنثی مشکل .

کتيگ: قمبسن بواه دادا، مغيکوت قنداغت أبو
حنيفه دان مالک جک ممبسر بواه دادا مک
دکيرا قرمقوان . تتافي شافعی دان أحمد بن
حنبل برقنداغت کالو ممبسر بواه دادا سهاج
دغن تيدق دسوکوڭ اوليه تنداء^۲ لاین مک
تيدق بوليه دکيرا خنثی واضح بهکن اي
ماسيه دکيرا خنثی مشکل .

كدوا: كموغكينن ممبواغ اير كچيل ملالوئي
 كدوا^۲ الت سچارا سرنق تتاقي يغ ساتو
 منداهولوئي يغ ساتو لاكي اومقماڻ اير
 كنچيغ كلوار ملالوئي الت جنتينا للاكي
 دهولو مك دكيرا للاكي دان جك اير
 كنچيغ كلوار ملالوئي الت جنتينا فرمقوان
 دهولو مك دكيرا فرمقوان. كآداعن اين
 دكيرا سروفا يغ مودا اتويغ توا.

كتيگ: اين اداله ترنتو اونتوق اورغ ديواسا سهاج
 يآيت جك كلوار اير ماني ملالوئي
 كمالوان للاكي دكيرا للاكي دان جك
 كلوار حيض ملالوئي كمالوان فرمقوان
 مك دكيرا فرمقوان.

علماء برسليسيه قنداقت قد خشي يغ جلس الت
 جنتيناڻ تتاقي بريذا قد تيگ فركارا:

قرتام: ممبواغ اير كچيل ملالوئي كدوا^۲ كمالوان
 سرنق دان تيدق اد يغ دهولو دان كمودين
 تتاقي بايق ملالوئي ساتو الت سهاج دان
 تيدق بايق ملالوئي الت يغ ساتو لاكي.

مك قنداقت إمام أبو حنيفه بهوا خشي اين
 تيدق بوليه دكاتيگوريكن سباگاي خشي

خنتی منوروت اسلام

(اولیه توان الشیخ عبدالحمید بن محمد طاهر)

1. فقرتین خنتی

خنتی ایاله مأنسی یغ ادالت جنتینا للاکي دان الت جنتینا
فرمقوان اتو تیدق ادالت جنتینا للاکي اتو فرمقوان تتاقي
محقوپای سالوران اوتوق ممبواغ ایر کچیل .

2. جنیس ۲ خنتی

خنتی تربهاکي کفد دوا جنیس، یأیت:

1. خنتی واضح (خنتی یغ جلس جنتینا) للاکي اتو
فرمقوان یأیت سسئورغ یغ اد دوا الت جنتینا: الت
جنتینا للاکي دان الت جنتینا فرمقوان .

2. خنتی مشکل - خنتی یغ تیدق جلس الت جنتینا
سمأدا للاکي اتو فرمقوان .

2.1 خنتی واضح:

علماء تله مموتوسکن بهوا اورغ یغ محقوپای دوا الت
جنتینا این بولیه دتتوکن للاکي اتو فرمقوان دغن
ساله ساتو درقد تیگ چارا:

قرتام: جک اي ممبواغ ایر کچیل دری الت للاکي
مک اي دکیرا للاکي دان جک اي ممبواغ ایر
کچیل ملالوئی الت جنتینا فرمقوان مک
اي دکیرا فرمقوان .

سڦاته ڪات

داتوء مفتي نڪري قدح دار الامان

بِسْمِ اللَّهِ الرَّحْمَنِ الرَّحِيمِ

الحمد لله رب العالمين والصلاة والسلام على إمام الداعين وسيد الذاكرين سيدنا محمد ن المبعوث رحمة العالمين وعلى آله وصحبه اجمعين . أما بعد؛

ساي مڱهراڦڪن اڪر رساله اين داڦت منجادي باهن رجوعڪن دان سباڱاي ڦندوان ڪڦد اومه اسلام ترهادڦ فرسوالن يڱ نادير تتاڦي تيدق مستحيل برلاڪو دالم مشارڪه . ڪيت سريڱ برتمو دان برينچڱ تتڱ فرسوالن اين تتاڦي تيدق سڇارا سڦيسيفيڪ دان برترسڪن شريعه . جوسٽروايت سڪورڱ^۱ رساله اين منچتوس سوات ايرا بارو دالم فتوى بيلا ممينچڱڪن ايسو ڪونٽيمڱوراري سڦرتي اين .

مسڪيفون ڪيت ڦرلو ملاڪوڪن ڦنمبه بأيقڪن دري سماس ڪسماس ترهادڦ ايسو^۲ سڦرتي اين اڪراي ليهه منتڱ نامون سباڱاي ڪلغسوڱن علمواياڻ ڦرلو دتريٽڪن سباڱاي واده فتوى ڪڦد مشارڪه دمي مڍرڪن مشارڪه ترهادڦ ڦرانن فتوى ايت سنديري .

ساي مراڪمڪن اوچاڦن تريما ڪاسيه ڪڦد فيهق^۲ يڱ ترليٽ منريٽڪن رساله اين دان ڦنتصحيح يڱ ممبري ڪرجسام دان ڪوميتمين سهيڱڪ رساله اين برجاي دتريٽڪن . تريما ڪاسيه جوڪ ڪڦد فيهق JAKIM، دوڪٽور انور حسيني بن حسين دري هوسڦيتل الور سٽريڱ تله مڱمڦيڪن تعليمت برڪايتن خشي ڪڦد اهلي جواتنڪواس فتوى نڪري دان تريما ڪاسيه جوڪ ڪڦد يڱبربهاڪيا توان الشيخ عبدالحميد بن محمد طاهريڱ تله ممبريڪن سومباغن ڦنوليسن . سموڪ رساله اين داڦت دمنفعٽڪن باڱي ڪمصلحتن اومه .

داتوء قادوڪ الشيخ حسب الله بن حاج عبدالحليم،
دي .ايڇ .عيم .ايس . . . دي .ايس . . . دي . ڪيه . . . بي . سي . ڪيه .
(مفتي نڪري قدح دار الامان)

- 1 سفاته کات
داتوء مفتي نكري قدح دار الأمان
- 2 خشي منوروت اسلام
- 2 1. فُغرتين خشي
- 2 2. جنيس^۲ خشي
- 2 2.1 خشي واضح
- 5 2.2 خشي مشكل
- 6 3. كدودو قكن خشي دالم مشاركة
- 9 4. فمبدهن خشي
- 12 5. فركهوينن خشي
- 15 حكوم منوكر ستاتوس جتينا
- 15 1. فندهولوان
- 16 2. ديفينيسي "خشي" دان "مُحَنَّتْ"
- 17 3. فينومينا كولوځن ترانسيكشوال (transeksual)
اتومق په (مُحَنَّتْ) دمليسيا
- 19 4. كفتوسن فتوى لالو
- 20 5. حجه دان دليل

حقی

دکلو ارکن اولیه:
جیاتن مفتی نگرې قدح دارالامان
دغن کرجسام
مجلس اکام اسلام نگرې قدح دارالامان